



Aningaasaqarnermut Akileraartarnermullu Naalakkersuisoq

Ulloq: 27. februar 2026
J.nr.: 01.31.03-00103

UKA25/12 Soraarnerussutisiaqalernissamut aaqqissuussinermut peqataasussaati- taaneq pillugu Inatsisartut inatsisaata allanngortinneqarnera pillugu Inatsisartut inatsisaannut tunngatillugu Aningaasaqarnermut Akileraartarnermullu Ataatsi- miititaliap apeqqtai.

Aaqqissuussinerup kissaatigisatut ingerlannginnera pissutigalugu soraarnerussutisiaqalernis-
samut aaqqissuussinermut peqataasussaatiataaneq pillugu Inatsisartut inatsisaata allanngor-
tinnearnissaanik siunnersuummik Naalakkersuisut saqqummiussipput. Siunnersuut siuller-
meerinninnermi tapersorsorluarneqarpoq, aammali isumaqatigiissutigineqarluni soraarnerus-
sutisiaqarnermut suliassaqarfik tamarmiisoq suleqatigiissitamit immikkut ilisimasalinnik
inuttaqartumit misissorneqarlunilu kaammattuuteqarfigineqassasoq. Soraarnerussutisiaqaler-
nissamut aaqqissuussineq pillugu aalajangiisoqaqqinnginnerani suleqatigiissitap immikkut
ilisimasalinnik inuttallip misissuinerata inerneru utaqqqaarneqassasut amerlanerussu-
teqartunit kissaatigineqarpoq.

Inatsisartunit oqaaseqaatigineqartut suleqatigiissitap sulinerminut ilanngutissagai kissaa-
tigineqartoq oqaatigineqarpoq. Naleqqussaanissat arlallit siullermeerinninnermi siunnersuu-
tigineqarmata ataatsimiititaliamit oqaatigineqassaaq, taamaattumillu suliarinninnerup nan-
ginneqarnerani naleqqussaanissanut siunnersuutit matuma kingulianiittut Naalakkersuisunit
oqaaseqarfigineqarnissaat kissaatigineqarpoq. Allannguutissatut siunnersuutigineqartut anin-
gaasaqarnikkut kingunerisassaasa itinerusumik ilisimasaqarfigilernissaat ataatsimiititaliamit
immikkut soqutigineqarpoq.

Aningaasaqarnermut Ataatsimiititaliap apeqqtai

Apeqqtut 1

Una Naalakkersuisunit oqaaseqarfigineqassasoq kissaatigineqarpoq: “Inatsimmi qanoq ukio-
qarnissamik aalajangersagaq allanngortinneqassaaq, tamatuma saniatigut nalinginnarmik
aatsaat 25-nik ukioqalerneru katersuisussaatiataaneq aallartinneqartassamat.” Pisortanut
taamatullu innuttaasunut aningaasaqarnikkut kingunerisassat immikkut oqaaseqarfiginis-
saannik Naalakkersuisut qinnuigineqarput.

Apeqqtut 2

Una Naalakkersuisunit oqaaseqarfigineqassasoq kissaatigineqarpoq: “Katersuisitsineru
nusunneqartartussat qaffasinnerpaaffigissavaat 4 procent (maanna nalinginnarmik 10 pro-
centinut qaffakkiartortinneqartussaq atorunnaarsillugu).” Pisortanut taamatullu innuttaasunut

aningaasaqarnikkut kingunerisassat immikkut oqaaseqarfiginissaannik Naalakkersuisut qinnuigineqarput.

Apeqqu 3

Una Naalakkersuisunit oqaaseqarfigineqassasoq kissaatigineqarpoq: “Katersuinnermut atatil-lugu aningaasarsiat tunngavigineqartut maanna 150.000-iusut, 250.000-inut qaffasinneru-sumulluunniit qaffanneqassapput.” Pisortanut taamatullu innuttaasunut aningaasaqarnikkut kingunerisassat immikkut oqaaseqarfiginissaannik Naalakkersuisut qinnuigineqarput.

Apeqqu 4

Inuit perulullutik napparsimasut imaluunniit piffissami sivisunngitsumi inuusussatut naat-sorsuutigineqartut uumatillutik soraarnerussutisiaqalernissamut aqqissuussinnermut peqataa-sussaatitaanermik ileqqaakkamik tigusinnaanissaannut periarfissinneqartariaqartut tunngavi-lersuutigineqarpoq. Taamaattumik perulullutik napparsimasut eqaannerusumik pisinnaaq-qullugit iliuuseqarnerusinnaaqullugillu ajornartorsiut taanna suleqatigiissitap immikkut ilisimasalinnik inuttaqartup siuliani taaneqartup suliaminut ilanngutissagaa kissaatigine-qarpoq, taamaaliornikkut napparsimasut inuunermik sinnerani ileqqaakkaminnik nammin-neq atuisinnaaqullugit. Aqqissuussinnermik taamaattumik atuutsitsilernissami suut akim-misaarutaasinnaappat?

Kiisalu apeqqutip issuarneqarnera akissummut allarniutitit ilanngunneqartarnissaa ataatsimiititaliamit qinnutigineqarpoq.

Akissut Aningaasaqarnermut Akileraartarnermullu Ataatsimiititaliap mailianut uunga nassiuteqquneqarpoq: FU@ina.alla.gl.

Inussiarnersumik inuulluaqqusillunga

Erik Jensen

Aningaasaqarnermut Akileraartarnermullu Ataatsimiititaliap siulittaasua